

20"05"2020թ.

Բ. Երևան

28.04.2020

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 411843/04

ՎԱՐՉԱԿԱՆ ԻՐԱՎԱԽԱՒԱՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 20"05.2020 թվականի թիվ _____ վարչական իրավախախտման վերաբերյալ արձանագրությունը և վարույթի նյութերը, քննելով թիվ 12728 գործը,

ՊԱՐԶԵՑԻ

«ԳԱՎԱՌ» համատիրության նախագահ՝ Վարդանուշ Աթեյանը (ՀՎՀՀ՝ 01823319, հասցե՝ Բ. Երևան, Օհանովի փ. 38 14), ՀՀ Հարկային օրենսգրքի 156-րդ հոդվածի 1-ին մասով սահմանված ժամկետում չի ներկայացրել 2020 թվականի փետրվար ամսվա եկամտային հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացրել է դիմում այն մասին, որ նշված հաշվետվությունը ներկայացրել է 16.03.2020թ-ին, որը տեխնիկական խնդիրների պատճառով դարձել է անվավեր: Վարդանուշ Աթեյանը նշել է, որ 2020 թվականի փետրվար ամսվա եկամտային հարկի հաշվարկը կրկին անգամ ուղարկել է 17.04.2020թ-ին: Վերջինս խնդրել է իր նկատմամբ վարչական տույժ չկիրառել:

Վարչական վարույթի ընթացքում Վարդանուշ Աթեյանի կողմից վերոգրյալ հանգամանքները հավաստող փաստեր չեն ներկայացվել, իսկ ՀՀ ՊԵԿ <<Հարկատու 3>> տեղեկատվական համակարգում առկա տեղեկատվությամբ 2020 թվականի փետրվար ամսվա եկամտային հարկի հաշվարկը ներկայացվել է 17.04.2020թ-ին՝ ՀՀ օրենսդրությամբ սահմանված ժամկետից ուշ:

Վերոգրյալի կապակցությամբ հարկ է նշել, որ ՀՀ Հարկային օրենսգրքի 156-րդ հոդվածի 1-ին մասի համաձայն՝ հարկային գործակալները մինչև յուրաքանչյուր ամսվան հաջորդող ամսվա 20-ը ներառյալ Օրենսգրքի 53-րդ հոդվածով սահմանված կարգով հարկային մարմին են ներկայացնում եկամտային հարկի հաշվարկ, իսկ նույն օրենսգրքի 33-րդ հոդվածի 1-ին մասի համաձայն՝ հարկ վճարողը (հարկային գործակալը) և դրա պաշտոնատար անձը պարտավոր է՝ օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում հարկային մարմին ներկայացնել հարկային հաշվարկները:

Հետևաբար Վարդանուշ Աթեյանի կողմից կատարվել է վարչական իրավախախտում և հիմքեր առկա չեն վարչական պատասխանատվությունից ազատելու համար:


Այն փաստը, որ Վարդանուշ Աթեյանը վերջին մեկ տարվա ընթացքում կատարել է իրավախախտում, որի համար ենթարկվել է վարչական տույժի (12.02.2020թ-ի թիվ 405640/04) որոշում, սույն գործով դիտվում է որպես պատասխանատվությունը ծանրացնող հանգամանք:

Ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով, Վարդանուշ Աթեյանի նկատմամբ կիրառել վարչական տույժ՝ նշանակել տուգանք 20.000 (քսան հազար) դրամի չափով:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Վ. ԵՐԱՅԱԿԱՆՅԱՆ